



Ikamva-Ukunonophela  
abantwana bethu

Isikolo seCawa iKlasi 1

**Isihloko sesifundo: Intombi kaYayiro**

# Isikhokelo soMzali

Isikolo seCawa saseKhaya



# Mzali Othandekayo

Wamkelekile kwisifundo sesikolo seCawa esithi “Intombi kaYayiro”

Olu xwebhu luya kunika isikhokelo esingekuphi ngendlela oza kusenza ngaso isifundo.

**Uzilungiselela usibeke njani na isifundo**

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: <a href="https://bit.ly/3NACSSHS">https://bit.ly/3NACSSHS</a>
2.	<p>Qokelela ezi zixhobo zilandelayo ukuze uqiniseke ukuba usilungele isifundo:</p> <ul style="list-style-type: none"><li>• iBhayibhile</li><li>• Isifundo esikwimo yePDF esele ilungisiwe</li><li>• Incwadi yomsebenzi womntwana kunye neepensile, iikhrayoni, njl.</li><li>• Isiqwana sevideo sisixhobo esongeziweyo / sisixhobo esongezelweyo sokuzikhethela</li></ul> <p><b>Qaphela:</b></p> <p>2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesikolo seCawa.</p> <p>2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45.</p> <p>2.3: Isifundo seseklasini ngaye (Umzekel. SS, RI okanye Isiqinisekiso).</p> <p>2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.</p>
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.

## Ukwenza iSifundo seSikolo seCawa ekhaya



## Uzilungiselela usibeke njani na isifundo

Siyaqhubeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. <b>Umzekelo:</b> Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amanqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

## Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. ncoko ka-WhatsApp ngesifundo kunye nolunye usapho olunomntwana.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).



## Isifundo

<b>Isihloko seSifundo</b>	Intombi kaYayiro
<b>Isicatshulwa seBhayibhile</b>	Mateyu 9: 18,19, 23-26 / Marko 5: 21-24,34-43
<b>Injongo yesifundo</b>	Abantwana bafundiswa ukuba akukho lusizi lungenathemba phambi koThixo. Lowo ulandela uYesu Krestu usenokubona imimangaliso. Abo bakholelwa kuye akufuneki boyike.

## Isishwankathelo sesifundo:

- UYayiro wayeyindoda eyayisebenza kwiNdlu yesikhungo. Indlu yesikhungo yinkonzo apho abantu bahamba baye kumamela amadoda athetha ngeBhayibhile.
- Wayeyindoda elungileyo eyayimema uYesu ukuba eze kuthetha kwindlu yesikhungo.
- Ngaphambi kokuba uYesu afike intombi kaYayiro yagula kakhulu.
- Ukufika kukaYesu uYayiro wawa ezinyaweni zikaYesu wambongoza ukuba eze endlwini yakhe kuba intombi yakhe ekuphela kwayo eyayineminyaka eli 12 ubudala, yayisifa.
- UYesu wavuma, kodwa xa babehamba, kweza mntu uthile evela endlwini kaYayiro wamxelela ukuba intombi yakhe ifile kwaye mabangayikhathazi iNkosi.
- Ekuvile ke oko uYesu, wathi kuYayiro, "Musa ukoyika; kholwa kuphela, uyaphila." - UMarko 5:36
- Bakufika endlwini kaYayiro bafumana abantu abaninzi belila, "wathi uYesu, musani ukulila. Akafanga, kodwa ulele.
- UYesu waya egumbini lakhe kunye nomama notata kunye nabafundi baKhe, uPetros, uYakobi noYohane. Wambamba ngesandla wathi, "Mntwana wam, vuka!" wenza njalo. Emva koko uYesu wathi mabamnike into yokutya.



## Sithetha ukuthini esi sifundo kuthi namhlanje?

- Xa izinto zingahambi kakuhle, asisoloko sikulindele oko. Siyaphelelwa lithemba kwaye siyakhathazeka kuba asiqinisekanga ukuba siza kuyisingatha njani le nto. Kufuneka sikhumbule ukuba kanye njengokuba uYayiro waya kuYesu, nathi sinokuya kuYesu ngomthandazo.
- UYesu uthi akufuneki soyike xa sizisa izinto ezisixhalabisayo kuYesu kwaye kufuneka sibe sikholelwe kuYesu - sikholelwe kwaye sithembele kuYe.
- UYesu akasayi kusivumela ukuba simshiye nokuba ukholo lwethu aluphumeleli, jonga wahlala noYayoro noxa efumana iindaba zokuba intombi yakhe ifile, kwaye waphelelwa ngamathemba onke.
- Kufuneka sizivumele sikhule elukholweni nangona amava okholo (xa iNkosi isincedile kwiimeko ezingaqhelekanga), sizilolongela ukuba nokholo, njengoko noYesu wenzayo kuPetros, uYakobi nakuYohane. Yiba khona, qaphela, yithi cwaka.

## Eminye imibuzo esinokuyibuza:

Ngeondlela yokwabelana okanye ukukhumbuza abantwana ngamava ethu ngokholo sinokwenza ukuba abantwana bacinge kwaye bathethe ngamava abo okholo.

## Umthandazo kaTata noMama wokuthandaza ngaphambi kwesifundo:

*Thixo othandekayo, enkosi ngale mini*

*Sikelela bonke abazali kunye nabantwana*

*Kunga singeva ubukho bakho*

*Sikelela isifundo esiya kuba naso*

*Nceda usifundise sikukhonze njani*

*Kwaye sincede senze intando yakho*

*Ukuze sisondele kufuphi kuwe*

*Thumela uYesu ukuze asiphuthume*

*Kwaye kwanga singakulungela ukuhlangana naYe*

*Amen*